

增修登州府志卷之六十四

集部

南游錄三卷

文登王悅著

悅字恭軒歲貢生此本卷一為錄敘其成化某年自文登抵松江歸自江寧由太康旋里途中所歷並記雜事卷二卷三皆為詩凡二百餘篇詩真率而多傷流易

郭康介公集一卷

福山郭宗皋著

宗皋字君弼明嘉靖八年進士此本為嘉慶二十增修登州府志卷六十四

集部

一

五年邑人王善壇所刻跋曰兩卷體不備似佚其

中卷

云

今祇存六十五葉蓋其下卷也文體絮

靜詩亦清雅集中有莊浪修邊記乃其在戌籍時作也可備防禦之要惠鄉泉記亦有裨於地方利益及鄉前輩之遺澤

戚武莊公集一卷

蓬萊戚繼光著

見已

按汪道昆戚公誌居薊余署其路寢曰止止堂藏

其所著作為止止堂集

云

今其本佚此本但近

體七言詩十八首董承詔孟諸小傳戚少保南北

功傳列朝詩集小傳張江陵書一首王元美書一首李于鱗書三首而其父孝廉將軍傳及詩一首附焉

交繡閣詩草四卷 文一卷 萊陽張夢鯉著

夢鯉字汝化明嘉靖三十五年進士詩皆近體七律頗壯麗秋懷八首雖做空同亦雅健不腐文祇四首筆意詳贍餘皆尺牘及官牒耳

觀我亭集四册

文登劉必紹著

見已

雜文三册詩一册詩平易清通文流暢詳盡多應

增修登州府志

卷六

集部

二

酬通俗之作歲寒三友圖序謂孟浩然愛梅踏雪有詩云云此事本無所出乃沿元人傳奇語耳不足據也三鎮一覽圖說序筆法簡質

存痲草一卷 未刻草一卷 文登劉樾菴著

樾菴必紹孫明末歲貢生此本中有與趙伯濬王覺斯往復之作而詩皆蹇拙唯奇嬰一篇序尙嵐黃某夢僧悔今告以入劫不由產始得住世翼日嬰母噬於狼腹破嬰出自注詳閣大司馬傳中云云可備異錄劉官山西布政司都事故知西事也

麗光樓詩草一卷

萊陽張嗣誠著

嗣誠字伯行明萬曆二十三年進士此本詩二百餘首五言清愜有意七言皆少雅致古體祇數首語意倔強不入破

鏡山菴初刪彙六卷

海陽高出著

出字孩之明萬曆二十六年進士舊刻本二十卷此本乃鈔冊末題云故刻殘佚蓋原刻多中年作有涉及遼事者其後人懼罪不敢出耳然鈔中秋感六首似作於天啓以後者而鈔者皆系其歲月增修登州府志卷六

集部

三

於萬曆三十年以前其諱深矣擬古亦沿于鱗習氣而閒出新意五古感遇錄別皆倣嗣宗七古清健倣少陵七律倣空同失處亦同之登人言詩者之先聲也

松柏堂後集一卷

寧海常康著

康字晉侯明萬曆四十四年進士其父秉仁有詩刻名松柏堂集故康稱後耳秉仁字岢菴又有草堂詩餘一卷康詞三闕亦附焉皆沿元人北曲套數氣息非樂府之正聲也此本刻尤劣謬字多不

可讀

證思集十卷

招遠楊觀光著

己見

擬古沿于鱗派而魄力遠出其下且多閒以塵俗不見精采亦子雲規撫相如之遺派也

持忠集二卷

蓬萊張瑤著

瑤字琪草明天啓五年進士此本上卷爲奏議啓事揭帖下卷爲詩賦瑤以推官行取與萊陽宋玫爭欲得吏科不勝因相參揭至八上終以吏議謫其疏詆玫及高宏圖章光岳等語同怒罵唯謂玫

增修登州府志

卷六

集部

四

支離字句剽竊經史掩卷不知爲何題則深中當日萊陽文派之弊其詩半皆憤語夏蟲賦一篇尤極毒詈甚矣公孫之禰也其安攘十策頗爲剴切瑤於五月見斥七月乃上此疏亦爲求進之計耳宜通政不爲上也且玫在河南知縣事本爲瑤屬吏乃不糾其失職及爭進不遂始揭之亦非由於公議也瑤死於崇禎五年叛兵之禍其氣節固足重矣

蘿石山房集四卷

梅花屋詩草一卷

別集一卷

左侍郎奏疏一卷

萊陽左懋第著

懋第字仲及明崇禎四年進士其文集凡三刻此本乃其裔孫中行刻於光緒六年者懋第明史有傳文亦沈果不苟作詩古拙不諧音律於七律尤甚以其人重故並存之

因樹廬集一卷

萊陽沈迅著

迅字羽公明崇禎四年進士明史有傳此本乃其裔孫鶴鳴據廬鄉集摺摭成之蓋迅以抗節死集燬於兵因樹廬乃其祖夢麒文集舊名故因以目

增修登州府志

卷六

集部

五

迅集而夢麒文并其二子文亦合編以傳迅文有奇氣詩不入律而自以爲能亦好奇之過也

萊陽姜採著

敬亭集一卷

採字如農明崇禎四年進士明史有傳其文集刻於江南此本乃鈔冊祇數十首詩亦祇十餘首蓋其後人已籍寧國而族人居萊者以集中多避忌語因諱之不肯出也文皆典實無藻飾有資史學

櫟里集十五卷

萊陽張允掄著

已見

集不分體而編年始於甲申元日終於戊午春正

月望後自己亥至丙午爲望標集丁未戊申爲松  
岩集庚戌爲望標後集癸丑至乙卯爲映雪集丙  
辰丁巳爲安亭稿文與詩分合無定亦非定本也  
第十一卷不紀年乃在江西時文六首及琴室記  
一首餘仍雜錄第一卷中諸詩耳允掄以風節自  
持文清婉盡意詩不雜塵俗而乏文外遠致

厓西詩藁一卷

萊陽姜垓著

垓字如須明崇禎十三年進士其全集已刻於江  
南凡八卷此本乃其萊陽族人所傳鈔者雜體僅  
增修登州府志

卷六

集部

六

二百首其七律如潤州秋懷九日京口長至書懷  
乙酉元日孟冬朔冬至贈高閣老喜錢二自桂林  
還諸作皆有少陵風力明史附其兄採傳中

丙戌集十六卷

萊陽宋繼澄著

繼澄字澄嵐明天啓七年舉人此本其詩集也自  
四言風詩以及楚辭樂府無所不擬惟五言皆有  
古淡之致古體校勝集託始於丙戌故名

萬柳集一册

右人著

此本其文集也凡八十四首附子瑚史論九首連

文二首繼澄有文名其黃侍御傳頗得古法史論  
法王介夫而無其筆力若瑚所作諸首差爲近之  
豈青堂詩一卷 蓬萊吳脈鬯著已見

此本道光二十年所刻詩頗類擊壤集一派而語  
多清快

董氏遺橐一卷 萊陽董樵著

樵字樵明諸生甲申後移居文登此本其所著西  
山詩存一百五十首而其父應雷詩三十首其子  
道東詩五首亦合編焉乃嘉慶十三年福山鹿松

增修登州府志 卷六 集部 七

林所刻也樵有高節詩亦清拔應雷字震澤能詩  
賦宋琬嘗稱之與高出並重而其橐中所題吳小  
仙三老圖七古一篇今載張允掄櫟里集中

隨緣草堂文橐一卷 守約堂集一卷

萊陽王章著

章字酉山順治四年進士前刻在其知并陘時後  
刻在其改官福建並補石首丞時而二刻中仍重  
出初刻數首文有才筆而好作支離曼延之詞詩  
不精格律而自真率章少孤力學仕屢不遂晚陷

吳逆抗節行遯欽奇厯落人也故所著皆以俶詭  
谿刻出之萊陽自萬厯之季陝人文太青爲令以  
別體文倡士林邑人風從之其體雜李卓吾袁中  
郎鍾退谷王季重諸人間章宦游多涉其地遂習  
與性成不復自悟耳

安雅堂集十四卷

萊陽宋琬著

見已

琬嘗自定其詩文集官四川時燬於吳逆之變此  
本乃其子思勰摺摭成之者詩二卷文二卷蜀道  
集八卷二鄉亭詞二卷其應酬之文多不可存者  
增修登州府志卷之六  
登州爲詩古文者自琬始有先民之矩矱雖其文  
精力不足而風華蔭映一洗樸樸之習前此未嘗  
有也

鞠氏家集

鞠御史奏議一卷

海陽鞠珣著

珣字觀玉順治三年舉人其論孫延齡不宜統定  
南府兵賦稅宜收銀錢各半鹽課宜照多少派入  
地丁均之於民不徵之於商皆有明驗

滋樹館彙一卷

玉署集一卷

足餘居詩草一卷

萊陽張瑞徵著



瑞徵字華平順治九年進士玉署集皆試卷及館課所作足餘居草乃未通籍時作也詩皆清雅嘗應詞科舉見 國史李贊元傳

信心齋彙四卷

海陽李贊元著

贊元字公弼順治十二年進士奏議三卷皆剴切詳明雜文一卷清贍而乏精力詩附文後爽拔勝於文 國史有傳

養素堂文集八卷

福山王騰著

騰字人岳順治十二年進士此本其五世孫善寶增修登州府志

卷六

集部

九

所刻前四卷皆書牘五卷爲公案下三卷乃雜文也騰工於制義而明於辦公故其文曉暢縝密皆有作者模範首列年譜一卷 國史有傳

星石奏議一卷

拙存齋詩集三卷

文登呂琨著

琨字星石康熙十二年進士奏議簡明剴切詩清脫無鈍根語

棲泌園遺彙一卷

萊陽張重潤著

重潤字滄伯明恩貢生重潤名能古文然皆治明

季萊陽餘派康熙十七年初修萊陽縣志實成於其手足爲文獻之徵

地僻彙一卷

文登董祚遠著

祚遠字九如五律三十首末有王阮亭唐豹巖評語按宋繼澄集有地僻詩自序壬寅二月坐黃封岳文石齋中有溫伯堅八分書對聯因取其中地僻二字賦五七言律絕各三十首云云此本蓋亦其時同作者也詩平淡無深致

獨石居文集一卷 藏山詩集一卷 漆渚集一卷

增修登州府志 卷三十四 集部

萊陽宋傲著

傲字大塗初名元伯字專菴 復社錄作歲貢生獨正伯專菴

石居爲古文集藏山集詩爲宋連選定漆渚集詩則宋琬爲之序文有逸氣詩爽拔不浮詞亦細熨而乏逸韻

文喜堂詩集十六卷

海陽趙作舟著

作舟字浮山康熙十八年進士沈鬱清壯而字句多生獷紀難五古長篇語意蹇躓意多不達此本其六世孫銘彝所刻

亭山園彙二卷

萊陽張重啓著

重啓字元公康熙十八年進士此本有乾隆十八年萊蕪呂思問序言集中有懷趙秋谷七言古詩曰怨而不怒感慨多云云今本無七古體則非全本也古文詩詞語意皆婉篤

呂思問字可亭萊陽教諭

黃縣姜其垓著

已見

既翁堂詩合彙二卷  
上卷為滇游集下卷為叢篁居集共四十三葉詞氣清直不作猥雜語

寧海李永紹著

約山堂詩集二卷

增修登州府志

卷六

集部

十一

永紹字繩其康熙二十四年進士按其上卷第三首憂蝗篇云辛未七月初下卷已未元旦篇云我過古稀二十年云云而詩終於是卷則皆三十已後作也未能雄深而有澹雅之致其丙午三月十七日從遊 圓明園看杏花詩自注 上命內

使傳云鄉村飯大人們喫些罷四月五日賞牡丹  
紀 恩注

上親諭云家常飯爾等喫些云云可備故實 熙朝之嘉話也

峇嶺山房集一卷

福山謝乃實著

乃實字華函康熙二十七年進士此本已入

庫書集部存目

濠上園別集十二卷

萊陽張允瀚著已見

皆萊陽雜事乃縣志彙也其所作善慶菴記及重修松磬菴記皆已刻石亦簡質有文法蓋從學於其從兄允掄淵源有自也

取此居文集二卷

萊陽周正著

正字公端康熙三十年進士此本乃日照李應薦增修登州府志卷六集部三所刻在全集中祇十之二也

蟬餘集四卷

文登徐士林著已見

詩一卷奏彙一卷事實一卷文一卷公牘判牒等附士林有至性其祭弟文情文宛篤論學及論弟文語皆切實其典謨實義入經部

于龍河奏彙一卷

文登于可託著

可託字阿輔康熙五十四年進士此本凡三十疏其論改折兩利革職解任者不宜刻緩刑部以雖但二字草率了局諸篇語皆明快

蠡勺詩測一卷

文登畢霽著

霽字子彤雍正二年副貢生詩質直無長語而頗雅健此本有乾隆八年泰安趙國麟序其門人劉儲鯤為墓志作蠡測集

學步存彙一卷

文登饒珠著

珠字合浦康熙五十一年舉人此本自序為雍正已酉詩皆沈著文有古致其鞫大參傳慈母行略皆有史漢筆法

王大常集一卷

福山王游著

增修登州府志

卷六

集部

三

游字溟波任太常時嘗薦桐城監生葉酉應詞科此本雜文十四篇詩四篇乃其後人摺摭成之者非定本也

唐梧山集一卷

萊陽唐之儀著

之儀康熙五十四年進士時年七十一其少時嘗學於張允掄此本文祇數篇雜代人作公呈書疏諸通俗文唯陳健菴詩序趙太常墓表尚清婉不失雅裁

偶存草一卷

海陽鞠濂著

濂字溪園貢生能古文有蓮隱集此本其詩集也  
文有曾南豐遺意詩不逮

燕山詩草一卷 蓮城集一卷

福山王顯緒著

顯緒字維章乾隆元年進士自序言少習舉業是  
以詩之爲道未窺一斑云云此從事科場人之恆  
徑不祇顯緒也律多不諧雖誦帶經堂集未有所  
得也

鐵槎樵語二卷

文登于熙學著

增修登州府志

卷之四

集部

古

熙學字無學附貢生詩多五七言律五古祇數首  
七古則絕無之語清健不俗

叢沅有文鈔一卷

蓬萊叢中芷著

中正乾隆七年進士此本所鈔合詩文爲一册文  
清辯滔滔喜傳孝節事尤篤於師友詩有美女篇  
七言古一首不工

鐵槎山房詩草四卷

文登劉儲鯤著

儲鯤字培南乾隆六年拔貢生詩豪宕有奇氣  
南園題畫詩一卷

萊陽王右弼著

右弼字欽鄰乾隆九年舉人此本乃其手書刻木者板不作邊闕界格書法亦秀逸

毓燕堂集二卷

文登呂潤蕃著

潤蕃字孝衍乾隆二十六年優貢生詩清婉不浮文有古致其王南溟誌先君子行略敘事得史記筆法

草堂雜綴一卷 壺海生詩草一冊

福山王鍾泰著

鍾泰字瑞封乾隆三十三年舉人雜綴爲古文詩增修登州府志卷六

集部

五

草有嘉慶四年自序言定分五六卷云云此本凡六十餘葉惟第一葉首署壺海生詩草卷一其下題卷皆雜廁行間一至四不及四十葉其四祇三葉其五乃三十餘葉則亦非其定本矣

悅軒詩草一卷

海陽鞠莊行著

莊行字慕周諸生有能詩聲昌樂閭考功曰慕周疾時人以堆垛爲典腴云云似其語皆宜清真而此本中有次董曲江韻一首曰鄉思非闕巨口魚則不惟堆垛且曲濇矣

澹園詩藁六卷

萊陽趙鈞彤著

鈞彤字梨平乾隆四十年進士所著名止止軒集此本署澹園藁而佚其前三卷第四卷尾題記共一百二十九首今祇存三十五首第五卷一百二十九首第六卷一百三十二首蓋其亡者過半矣存者唯自甲辰冬謫戍伊犁路次山丹縣至辛酉除夕詩凡十八年所作耳鈞彤天資英敏故語皆沈鷲清壯戍所諸作尤多奇氣

丈室詩集

海陽李承祖著

增修登州府志

卷六

集部

六

承祖字繩武諸生七言長歌詠悔道人畫馬及指墨松鷹二首有唐人風其他多失於蹇頓

煨芋巖居詩集二十卷

福山王善寶著

見已

始乾隆癸未終嘉慶癸酉卷各別署蓋自其年二十至七十時所作也語皆雅潔遊盤山諸詩能兼韻力其古文序事詳明而不傷猥并

四香閣詩集五卷

福山王餘芊著

餘芊字玉泉善寶子此本自己亥至丁未每卷為一集曰山中吟續吟松霞廣川定武其弟餘英為



刻於嘉慶二十年

冠古軒詩集一卷

文登呂肇齡著

肇齡字岐封乾隆四十七年優貢生詩清健淹雅不染俗習

松巖集四卷

棲霞牟昌裕著

昌裕乾隆五十五年進士此本其子略所纂年譜為卷首卷一為奏議二為古文三為制義四為館課其奏議頗明切不泛

花嶼草堂詩集一卷

文登林鍾岱著

增修登州府志

卷六

集部

七

鍾岱字實甫嘉慶四年進士此本皆其乙卯以前所作雅健蘊籍能入正聲其師呂肇齡定而序之

鐵槎詩存八卷

文登于克襄著

克襄字蓮州嘉慶十年進士語皆爽拔而閒少莊雅且多及近世小說中狐鬼事尤嫌纖側不入大方

曉書堂文集

卷

棲霞郝懿行著

見已

懿行長於考據故雜文亦考據為多此本凡百篇皆其雅潔者定為正集

小澥草堂集二卷

棲霞牟願相著

願相字亶夫諸生能詩及古文此本為其婿李某所刻惟古文耳楚辭反招一篇有深意

雪泥屋古文一卷

棲霞牟庭著

見已

庭以經學名其制義為時所重古文亦清逸不俗語意時作談諧是所病也

學半齋文集四卷

福山王延慶著

延慶字白海嘉慶十年進士此本出其手書不分期體不編年第一冊題為遠志小草小示現老人辛

增修登州府志

卷六

集部

六

丑以後作二三冊同四冊題示現博士丁未秋云云實則自嘉慶壬申訖咸豐辛亥所作皆屬屐其閒延慶負奇氣早達而終於冷官其精力壹於博覽故詩文皆饒風致而以援引見長其宋冠東傳敘次有史記法

九水山房文集二卷

文登畢亨著

亨初名珣後改名以田嘉慶十二年舉人此本為聊城楊以增所刻凡二十二篇精於考據其湯居考以為宜在姑熟南臺說迪篇以為尚書迪字凡

有十義皆極博辨其辨史記河復非禹故蹟亦爲  
確論

腳跟集一册

寧海趙程著

程字二洛諸生文少翦裁而不墮塵腐詩皆真率  
而多雜諧語此本有嘉慶四年五年兩自序其甲  
申元日詩自注道光四年八十有四云云亦老學  
之士也

省洲詩鈔一卷

蓬萊徐壽名著

壽名嘉慶六年舉人省洲其別號也詩皆清整

增修登州府志

卷六

集部

九

如山奏議一卷

松龕詩存八卷

蓬萊慕維德著

維德字淇瞻嘉慶二十四年進士奏議凡六篇皆  
奉 旨飭部察辦者詩存自序言少學試帖未暇  
及古今體通籍後偶有吟什云云此治舉業者之  
通例也與自矜者異矣

牟子詩鈔四卷

宦蜀草六卷

蓬萊張香海著

已見

香海極意著述有韻之語不下萬首此二種其一

斑耳亦可以知全豹矣

聽濤山館詩集三十卷

蓬萊慕曰鐔著

曰鐔字心樵

希音閣詩集八卷

海陽趙似祖著

似祖字小晉道光十二年進士

綠綺山房集

海陽李紹聞著

紹聞字字山道光二年副貢生

叢綠軒集五卷

海陽趙洛衍著

洛衍字訪亭道光五年拔貢生

增修登州府志

卷六古

集部

三

桐園詩草一卷

榮成王佩坪著

佩坪字毅垣諸生詩意清真而少蘊藉

遺餘草二册

榮成鞠方升著

方升字耐園諸生詩語平率閒有俚調而頗具真

意

農菴集一卷

文登宋允和著

允和字繼正增生文有生氣其記序體有古質唯

序事多書月日而不著年或但紀甲子使觀者莫

稽其時世此則擬古之失也韓昌黎平淮西碑文

實爲此體後人以尚書召誥多士爲解不知二篇與洛誥作於一時而洛誥篇末大書惟七年則二篇皆因明白此古文之密非後人所得藉口也

盧鄉集四卷

萊陽張允齡輯

已見

按原序初集爲制藝中集爲雜體文末集爲雜體詩皆明世邑人士先達者所著此本雜體古文四卷作者共三十七人文凡二百二十四篇乃其中集也萊陽當明季科目雖盛然皆殫其力於制藝故集中所收無以追古作者追國初宋琬始有

增修登州府志

卷六

集部

三

先民矩矱以其後出故不載而集中如宋繼澄左懋第姜琛沈迅張允掄所作亦具有古法且兼資奇氣可與其人並存而一邑文獻亦賴此集不致泯沒至今邑前輩之遺文流傳大氏皆出於此集也

牟平遺香集十六卷

寧海宮卜萬輯

已見

此本乃輯其州人自五代已訖本朝嘉慶之季所爲詩皆選錄之而各於前附以小傳持擇頗精足備文獻

已上  
總集